



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: UP-1/21-1-40-207-5/23

Datum: 12.06.2023. godine

„Agencija za vodno područje rijeke Save“ Sarajevo postupajući po zahtjevu Investitora „Euro-Asfalt“ d.o.o. Sarajevo za donošenje Rješenja o prethodnoj vodnoj saglasnosti u svrhu izrade dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog objekta- pogona za proizvodnju betona kapaciteta do 60 m³/h predviđenog za gradnju na zemljištu označenom kao k.č. broj: 1888 K.O. Sarajevo VI, na osnovu člana člana 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

R J E Š E N J E

o prethodnoj vodnoj saglasnosti

1. Investitoru, „Euro-Asfalt“ d.o.o. Sarajevo daje se prethodna vodna saglasnost u svrhu izrade dijela projektne dokumentacije za aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog objekta- pogona za proizvodnju betona kapaciteta do 60 m³/h, na zemljištu označenom kao k.č. broj: 1888 K.O. Sarajevo VI, broj parcele 372/3, površine 3662 m², a u postupku pribavljanja urbanističke saglasnosti i okolinske dozvole ukoliko je predmetni objekat i aktivnost podliježe obavezi ishodovanja okolinske dozvole.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za korištenje vode, ispuštanje sanitarno-fekalnih otpadnih voda, a za čije je izdavanje nadležno Ministarstvo privrede Kantona Sarajevo u skladu sa članom 139. stav (2) tačka 1., 2. Zakona o vodama.
3. Prethodna vodna saglasnost se daje na osnovu činjeničnog stanja utvrđenog pregledom dostavljene dokumentacije i pod slijedećim uslovima:
 - 3.1. Da se na osnovu proračunatih količina i sastava otpadnih voda koje mogu nastati na predmetnom lokalitetu uradi investiciono tehnička dokumentacija sistema za prikupljanje otpadnih voda – separatnog tipa, prečišćavanje nastalih tehnoloških otpadnih voda i ispuštanje prečišćenih voda u recipijent. Investiciono tehnička dokumentacija treba biti urađena na nivou projekta za pribavljanje odobrenja za građenje u skladu sa važećom zakonskom regulativom vezano za građenje.
 - 3.2. Investiciono-tehnička dokumentacija treba biti urađena od strane pravnog lica koje ima ovlaštenje (lista „A“) pribavljeno od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20, 63/22) koja su bitna za konkretan slučaj, a naročito:
 - Kompletan proračun kvantitavnih i kvalitativnih karakteristika svih otpadnih voda koje će nastajati na lokaciji predmetnog postrojenja sa relevantnim parametrima potrebnim za projektovanje sistema za prikupljanje, odvodnju i tretman istih prije ispusta u krajnji definisani recipijent. Sagledati mogućnost ponovnog korištenja prečišćene vode (iz taložnog/ih bazena) u proizvodnom procesu (recirkulacija).
 - Proračun kvantitavnih i kvalitativnih karakteristika svih otpadnih voda, koje nastaju na predmetnom lokalitetu, odnosno drugih otpadnih i štetnih materija.
 - Tehničko rješenje tretmana tehnoloških i drugih otpadnih voda sa predmetne lokacije sa svim potrebnim proračunima i tehničkim opisom.

- Dati osnovne podatke o recipijentu, sa detaljem ispusta prečišćenih voda u isti. Lokalizet ispusta prečišćenih voda treba biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).

- Tehničko rješenje zbrinjavanja taloga iz postrojenja za prečišćavanje otpadnih voda.

- Tehničko rješenje za monitoring i način monitoringa zahvaćenih voda i ispuštenih otpadnih voda u utvrđeni recipijent.

- Sagledati mogućnost nastajanja neželjenih uticaja na kvalitet površinskih i podzemnih voda i dati prijedlog mjera za ublažavanje istih.

3.3. Samo oborinske vode sa krovova objekata se mogu bez prečišćavanja upustiti u recipijent.

3.4. Usvojenim sistemom prečišćavanja voda treba se obezbjediti da prečišćene otpadne vode, prije ispuštanja u recipijent, trebaju da zadovolje granične vrijednosti emisije definisane u tabeli 1. priloga 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20).

3.5. Projektnom dokumentacijom sagledati sve moguće neželjene uticaje kako na planirani objekt, tako planiranih sadržaja na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.

3.6. Projektnom dokumentacijom definisati da se opasni materijal i otpad, kako u toku izvođenja radova tako i u toku rada privremenog predmetnog objekta za proizvodnju betona ne smije ni privremeno odlagati na česticu „vodno dobro“, odnosno u vodotok i na njegove obale.

3.7. Pri izradi tehničke dokumentacije pridržavati se uslova iz Urbanističke saglasnosti, pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.

3.8. Investiciono tehnička dokumentacija treba biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.

4. Nakon izrade projektne dokumentacije u skladu sa uslovima iz tačke 3. dispozitiva ovog rješenja a prije pribavljanja odobrenja za građenje, korisnik prethodne vodne saglasnosti dužan je ovoj Agenciji podnijeti zahtjev za izdavanje vodne saglasnosti na projektnu dokumentaciju za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog objekta- pogona za proizvodnju betona kapaciteta do 60 m³/h, na zemljištu označenom kao k.č. broj: 1888 K.O. Sarajevo VI, broj parcele 372/3, površine 3662 m², u definisani recipijent.

5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20, 63/22).

Uz zahtjev se između ostalog prilaže:

- Investiciono-tehnička dokumentacija urađena u skladu sa uslovima iz dispozitiva ovog rješenja.

- Rješenje o urbanističkoj saglasnosti ili lokacijsku dozvolu za izgradnju predmetnog postrojenja izdato od strane nadležnog organa,

- Rješenje o okolinskoj dozvoli ili potvrda nadležnog organa da ista nije potrebna,

- Dokaz o izvršenoj uplati administrativne takse u iznosu od 60 KM.

6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost za izgradnju predmetnog pogona i ne bude podnesen zahtjev za izdavanje vodne saglasnosti.

7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „Euro-Asfalt“ d.o.o. Sarajevo podnio je zahtjev za izdavanje prethodne vodne saglasnosti u svrhu izrade dijela projektne dokumentacije koja se odnosi na aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog objekta- pogona za proizvodnju betona kapaciteta do 60 m³/h, na zemljištu označenom kao k.č. broj: 1888 K.O. Sarajevo VI , broj parcele 372/3, površine 3662 m².

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Rješenje o izmjenama podataka, broj:032-0-Reg-22-000843 od 10.06.2022. godine izdato od strane Općinskog suda u Sarajevu - ovjerena kopija,
- Rješenje o upisu subjekta u sudski registar, broj UF/I-299/01 od 20.03.2001. godine izdato od strane Kantonalnog suda u Sarajevu – ovjerena kopija,
- Aktuelni izvod iz sudskog registra, broj:065-0-RegZ-23-000160 od 09.01.2023. godine izdat od strane Općinskog suda u Sarajevu - ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:07-32.5-70634/13 od 20.09.2013. godine izdato od strane Službe za statistiku za područje Kantona Sarajevo - ovjerena kopija,
- Uvjerjenje o registraciji obveznika poreza na dodanu vrijednost, broj:04/1-17-56-203/07 od 19.02.2007. godine izdato od strane Uprave za indirektno-neizravno oporezivanje Banja Luka – ovjerena kopija,
- Uvjerjenje o poreznoj registraciji od 09.03.2007. godine izdato od strane Kantonalnog poreznog ureda u Sarajevu – ovjerena kopija,
- Zemljišnoknjižni izvadak, Katastarska općina Sarajevo VI, broj:4847/23, Zemljišnoknjižni uložak broj 1888 izdat od strane Općinskog suda u Sarajevu - ovjerena kopija,
- Kopija katastarskog plana, UR BROJ 05/B-26-2163/2023-1 od 16.05.2023. godine izdata od strane Službe za imovinsko-pravne, geodetske poslove i katastar nekretnina Općine Centar Sarajevo,
- Zahtjev za priključak na postojeću vodovodnu mrežu, broj:9-MS/22 od 04.11.2022. godine sa pratećom dokumentacijom – kopije,
- Studija uticaja na vode proizvodnog objekta betonare Kobilja Glava, Općina Vogošća/ gradilište:Tunel Kobilja Glava i sekcija od tunela do spoja sa M18 u naselju Hotonj, urađena od strane „ES Hydrotechnics“ d.o.o. Sarajevo, april 2023. godine,
- Dokaz o uplaćenju federalnoj upravnoj pristojbi na zahtjev

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata, bio oglašen dana 26.05.2023. godine na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

Uvidom u dostavljenu dokumentaciju utvrđeno je slijedeće:

- Privremeni objekt- pogon za proizvodnju betona kapaciteta do 60 m³/h, planiran je na zemljištu označenom kao k.č. broj: 1888 K.O. Sarajevo VI, broj parcele 372/3, površine 3662 m², a za potrebe izgradnje sekcije od tunela Kobilja Glava do spoja sa M18 autoputa u naselju Hotonj, opština Vogošća.
- Planirani sadržaji- postrojenje je tip Promax M60-SNG (stacionarna), prostor za tehničko osoblje, ostava za skladištenje kontrolnih betonskih kocki, toalet za uposlenike.
- Namjena objekta je proizvodnja betona koji će se u svježem stanju isporučivati kao finalni proizvod.
- Voda za proizvodnju betona će se obezbjeđivati iz rezervoara, koji se snabdijeva putem priključka na vodovodni sistem kojim upravlja KJKP „Vodovod i kanalizacija“ d.o.o. Sarajevo.
- Za predmetni objekat, prema planiranom proizvodnom kapacitetu i ukupnoj slivnoj površini, realno je očekivati da će se maksimalne količine tehnoloških otpadnih voda pojaviti za vrijeme padavina-usljed površinskog oticanja vode koja odnosi sitne čestice sistemom odvodnje

prema taložniku. Nakon taloženja ukupne količine oborinskih voda sa predmetne lokacije će se ispuštati u sabirni bazen i dalje propustom u lokalni potok.

➤ Sva mehanizacija će se održavati, servisirati i snabdijevati gorivom van pogona betonare. Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu utvrđenog stanja i provedenog postupka doneseno je rješenje kao u dispozitivu ovog Rješenja.

Podnosilac zahtjeva je uplatio upravnu taksu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH”, broj 6/98, 8/00, 45/10 i 45/13). Podnosilac zahtjeva je izvršio uplatu po Zaključku broj: UP-1/21-1-40-207-4/23 od 01.06.2023. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „Euro-Asfalt“ d.o.o. Sarajevo, Rajlovac bb, 71000 Sarajevo,
- ⊙ Org.jed. 40 – arhiva,
- AVP Sava, ISV-vodna knjiga,
- Oglasna ploča AVP Sava